

Bosna i Hercegovina  
Federacija Bosne i Hercegovine  
KANTON SARAJEVO

PRIMLJENO:	05-09-2022	
Operativna oznaka	Klasifikaciona oznaka	Broj priloga
08	11	47872/102

Broj: 04-02-4-5556/22 I.T.H.  
Sarajevo, 02.08.2022. godine

KANTON SARAJEVO  
MINISTARSTVO FINANCIJA  
Maršala Tita 62  
71000 Sarajevo

**PREDMET:** Mišljenje

**VEZA:** Akt broj: 08-11-47872-97/21 od 08.07.2022. godine

Poštovani,

U vezi s aktom, broj i datum navedeni, ukazujemo na sljedeće:

Federalno ministarstvo financija (u daljnjem tekstu: Ministarstvo) je u skladu s odredbama članka 10. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05) na upite stranaka u vezi primjene odredbi članka 4. važećeg Zakona o visini stope zatezne kamate („Službene novine Federacije BiH“, broj: 18/20, u daljnjem tekstu: Zakon) davalo Mišljenje da iznos zatezne kamate ne može prijeći visinu glavnog duga u trenutku isplate, na način kako je to propisano odredbom članka 4. Zakona, tj. da iznos obračunate zatezne kamate ne može biti veći od iznosa glavnog duga.

Odredbe Zakona nemaju retroaktivno djelovanje, jer se zatezne kamate obračunavaju za razdoblje od dana dospelosti obveze za plaćanje do dana isplate zakašnjelog plaćanja kada se i vrši obračun zatezne kamate, te Ministarstvo ostaje i dalje pri datom Mišljenju.

Naime, članak 4. Zakona propisuje da iznos obračunate zatezne kamate i koji će biti isplaćen ne može biti veći od glavnog duga. Navedena odredba je imperativna norma i mora se poštovati na način da se ista striktno primjenjuje prilikom svakog obračuna i isplate zatezne kamate u razdoblju od dana stupanja na snagu Zakona.

Članak 5. Zakona propisuje primjenu različitih stopa zatezne kamate, zavisno od vremena kada su nastala zakašnjenja u izmirenju dospjelih obveza dužnika. Sukladno propisima o visini stope zatezne kamate koji su bili važeći za određeno razdoblje obračuna zatezne kamate, odnosno na zakašnjela neplaćena novčana dugovanja iz razdoblja prije stupanja na snagu Zakona zatezna kamata obračunava se po stopi 12% godišnje do dana stupanja na snagu Zakona (14.03.2020. godine), a nakon tog dana vrši se obračun zateznih kamata po stopi 10% godišnje do trenutka

isplate novčane obveze, s tim da ukupan iznos obračunate i isplaćene zatezne kamate ne može biti veći od glavnog duga (članak 4. Zakona).

Ograničavanje iznosa zateznih kamata kod isplate, do visine glavnog duga, propisano je na jedinstven način u cijeloj Bosni i Hercegovini (uvažavajući i dužinu trajanja sudskih postupaka), tako da je ista zakonska odredba (kao i članak 4. Zakona) u propisima o visini zatezne kamate Republike Srpske (na snazi od 2006. godine) i Brčko distrikta Bosne i Hercegovine (na snazi od 2018. godine).

S poštovanjem,

**MINISTARICA**